

第三十九册

明倫彙編

氏族典

郭姓部

博略約洛閣作落

吾三

(卷)

勻若急拓姓部

吾四

霍雒恪變鶴貉

吾五

箭姓俗慕諸姓部

吾六

石姓部

吾六

白姓部

吾六

翟姓部

吾六

易席姓部

吾一

郤籍柏伯百赫姓部

吾二

麥帛赤格革竿迮

吾三

夕辟益號姓部

吾三

昔藉客宅澤液亦

(卷)

碧夷厝釋策貉棹

吾四

畢姓璧鬲諸姓部

吾四

錫狄威析鄧荻激

吾五

惕姓歷督諸姓部

吾五

職卽弋國力稷墨

吾六

翼直姓部

吾六

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典
第五百三十二卷目錄

郭姓部列傳五

明一

郭子興	郭奎	郭亮	郭資	郭燧	郭敦	郭橫	郭仕道	郭良	郭潘	郭文德	郭軒	郭子盧	郭濟	郭循	郭恕	郭端	郭魯	郭玉	郭欽	郭彥明	郭原琳	郭極
洪武人								洪武人	洪武人								東阿人					
郭子興	郭英	郭習中	郭永道	郭雲	郭任	郭彥仁	郭肫	郭士原	郭斯后	郭傳	郭德成	郭會	郭原	郭璉	郭編	郭頤	郭張善	郭廉	郭永忠	郭瑾	郭伯郁	郭齡
洪武人																	宣濟人	宣濟人	高戴人			

郭確	郭蘇	郭紀	郭友諒	郭璉	郭宗舜	郭南	郭迪	郭瑾	郭良	郭秉	郭進	郭廉	郭瑄	郭昇	郭紳	郭銓	郭緒	郭廷欽	郭仁民	郭文	郭義	郭紉	郭明郁	郭講古	郭文忠	郭東山
							華州人	景泰人	景泰人			濟陽人		陝西人												
郭休	郭智	郭典	郭成	郭永清	郭元	郭俊	郭敦	郭縉	郭璽	郭本	郭憲	郭質	郭登	郭忠	郭鐘	郭廷珪	郭利行	郭祥鵬	郭日和	郭邇	郭容	郭鳳	郭朝	郭濬	郭桂	郭增
													定襄人											弘治進士		

郭鈞	郭鵬	郭登庸	郭聰	郭良	郭民仰	郭鉉	郭靜別	郭集成	郭屑	郭克奇	郭登	郭綸	郭天錫	郭囊	郭詡	郭璽	郭民敬	郭嘉文	郭先生	郭孔完	郭世榮	郭嵩	郭宏德	郭聶	郭鵬領	郭麟
				正德人						序生																
郭郁	郭秉聰	郭允禮	郭維藩	郭麟	郭慶	郭叔興	郭賢誠	郭高泰	郭端科	郭舜閔	郭萬	郭鼎	郭佃	郭君會	郭宗阜	郭盤	郭崇嗣	郭乾	郭村	郭五常	郭斗文	郭學書	郭允楨	郭懋	郭惠	郭德茂

郭希顏

郭鵬

郭鼎忠

郭汝霖

郭魯永豐

郭弘化

郭育顯

郭昇歸化教諭

郭邦

郭儒

郭拖

郭紘

郭鉉

郭學業

郭四維

郭鑒

郭朝賓

郭東藩

郭琥

郭千興

按萬姓統譜子興濠人生有膂力善騎射初從郭元帥起兵尋來歸附從師渡江定金陵攻常宣諸州破陳友諒於鄱陽湖屢建奇功定陝西伐西蜀征甘肅皆與有功封章昌侯卒追封陝國公諡宣武

郭奎

按明外史王冕傳郭奎字子章巢縣人太祖爲吳國公來歸從事幕府朱文正開大都督府於南昌命奎參其軍事文正得罪奎坐誅

郭英

按萬姓統譜英臨淮人有膂力善騎射明初從征渡江取金陵以謹重見信任又從征僞漢戰鄱陽湖下武昌及從徐達取中原克元都定隴右山後諸處繼平南溪洞諸蠻累官武定侯英爲將善撫士卒人多用命英毅之氣瀕老不衰居家善事親尤喜觀書卒封營國公諡威襄

郭亮

按萬姓統譜亮合肥人洪武中克効勤勞歷轉武職後封安城侯

郭習中

按萬姓統譜習中三河人洪武丁卯舉人擢河南府教授以成材積陞山西沁州歷刑曹郎中官至江西參政

郭資

按萬姓統譜資字存性武安人洪武乙丑進士轉庶吉士歷仕北平左布政未幾擢北京刑部尚書改戶部尚書洪熙初兼太子賓客以太子太師致仕居

官廉介士林重之宣德間復起掌戶部卒追封湯陰伯諡忠襄

郭末道

按萬姓統譜末道安塞人有學行初爲本縣儒學訓導洪武中以賢良方正歷官戶部尚書

郭燧

按萬姓統譜燧巴縣人洪武中由太學歷仕途有能聲累遷湖廣布政使司左布政使

郭雲

按萬姓統譜雲洪武初南陽衛指揮膂力過人有謀略築城建衛撫綏軍民咸得樂業子孫世襲其爵

郭敦

按萬姓統譜敦字仲原堂邑人洪武初爲河南參政廉明仁恕才識超邁累陞禮部侍郎進戶部尚書鎮守陝西敦性資純實雖官歷六卿而泊然布衣

郭任

按萬姓統譜任丹徒人洪武中由薦舉累官戶部侍郎靖難師入不屈死

郭楨

按萬姓統譜楨字德茂仙居人少勤問學遂有所悟專用靜中工夫其教人以收放心爲先終元之世隱居教授洪武初始就饒陽知縣三年邑大治以從兄故坐免上嘉其廉賜紗襖銀帶寶鈔以旌之既歸貧益甚卒門人私諡爲貞成先生

郭彥仁

按萬姓統譜彥仁無爲人少讀書有勇略長於吏事歸附太祖以忠謹受知李文忠用兵浙西令彥仁往

氏族典第五百三十二卷

郭姓部列傳五

明一

郭子興

按萬姓統譜子興定遠人其先曹州人父郭公善星曆子興兄弟三人皆以貨產豪里中元末兵起子興乃散家財陰結豪傑攻拔濠城據之自稱元帥爲人勇幹善戰而性倖直不能容物卒以憤恨終洪武初追封滁陽王

爲參謀多所裨益戊戌三月文忠陞都指揮使司守嚴州彥仁充本司都事金華苗將殺胡大海彥仁率兵討之入金華撫其民後援新城取杭州平浙西皆預有勞績陞嚴州府知府士民德之

郭仕道

按萬安縣志仕道萬安人洪武中賜特榜進士以謙直補授齊府輔導官後遷襄城丞轉懷府通判所至皆以能稱永樂間授順天府尹三年沒於官入祀鄉賢

郭肫

按涇陽縣志肫字彥仁洪武中以貢士歷任漳州府通判始終清謹漳人以詩送之有一段漳江徹底清之句爲立祠祀焉

郭良

按陝西通志良字文易華陰人洪武中舉人爲邯鄲教諭上幸國學親所作教世子詩忠愛懇至擢北平參議尋歷兵部左侍郎未幾中征安南有功加大司馬督理漕運退隱羅敷山中雅善吟咏有詩集數卷

郭士原

按泰安州志士原泰安人勇略過人累立戰功歷陞中軍都督府都督進爵寧陽侯

郭濬

按寧海縣志濬字士淵少穎悟爲詩有奇語洪武初入太學文章名重一時嘗應詔上言時政忤旨敕下國子監讀書三十年方許用有忌其名者譖於祭酒甘某誣奏殺之太祖既而覽其文追戮甘某

郭斯后

按諸暨縣志斯后字伯載諸暨人洪武中坐事戍甘州五年獲釋以名行補政和典史綽有政績所著有星溪集及政和縣志

郭文德

按末年縣志文德字子明劉誠意曰其詩不尚險澀不求奇巧惟心所適因言成章而其自得之妙則有己獨知之者

郭傳

按名山藏臣林記傳字文遠會稽人洪武七年太祖御武樓賜學士宋濂坐問天下宿學之士濂對曰會稽有郭傳者學有淵源一代奇才也上領之未幾復召濂曰郭傳之文卿可持至濂因持其文以進會丞相暨御史大夫來朝命內使出示之褒嘉至再卽日召見謹身殿奏對稱旨詔授應奉翰林文字日侍左右備顧問已陞脩起居注遷考功丞

郭軒

按安陸府志軒字文載成化庚子舉人由教諭陞連江令以剛正見重卒於官諸生顯者過縣必拜其墓

郭德成

按鳳陽府志德成鳳陽人女弟郭氏入宮進位寧妃德成充驃騎舍人性嗜酒於利祿淡如也上召授都督固辭久之黨禍起德成竟以此自全

郭子盧

按夔州府志子盧江西太和人進士洪武中任萬縣知縣政甚有聲邑人稱頌歷陞廣西僉事

郭會

按太康縣志會字師魯太康人元末舉人授湖廣黃

陂教諭兵亂謝病歸隱明初以明經薦授磨勘司令從傳友德征西有功陞御史臺治書卒於官

郭濟

按萬姓統譜濟太康人博通經史未幾初魁鄉試歷任大名府訓導秩滿薦陞左春坊司諫累轉行人兩使交趾宣德中陞鎮江府知府在任所多善政聲譽大振

郭原

按萬姓統譜原蘭陽人未幾中鄉舉初授四川監察御史持身端謹正大無阿雖故人不致以私恩相干人謂有古御史風尋陞陝西按察副使

郭循

按萬姓統譜循廬陵人未幾中進士擢刑部主事遣往南京錄囚於枉抑多所伸雪嘗論列政務極言營繕之事因改工部官至廣東叅政

郭璉

按萬姓統譜璉新安人永樂初由太學生擢戶部主事以勤能著稱陞福建叅政遷吏部侍郎兼少詹事宣德中陞吏部尚書爲人寬弘簡重得大臣體甄別士類人服其當云

郭恕

按萬姓統譜恕字安仁世居雞澤弱冠領永樂十二年鄉薦初授思南府推官再歷湖州府明恕兩盡多所平反及擢御史屢有建白後轉官山西叅議積糧撫士由是要害重地卒賴無虞歸老林下儉素如寒士

郭璠

按萬姓統譜瑞威縣人末樂庚子舉人任戶部主事料量國計出納惟允陞刑部郎中門無私謁理冤獄錄繫囚多所裨益于詮登成化己丑進士任戶科給事中勵志忠慎馳名諫垣卒於官當時稱為三清先生

郭端

按萬姓統譜端字季正自幼穎敏既長就學日誦數千言兼通地理精數學永樂二年以貢入太學授行人司行人陞巡按廣西監察御史尋移交趾監軍值寇平復命陞山東按察僉事改交趾後卒於京師

郭頤

按雲中郡志頤應州人末樂中以縣令選御史巡按京畿危言讜論文皇北伐頤力諫後以言事不合拂衣歸

郭魯

按兗州府志魯東阿人父履洪武中為樂城教諭坐在任九年士無中式謫戍雲南魯及弟純皆以其年中式因上疏請代書奏成祖憐之詔赦仍以爲鄆縣教諭

郭張善

按潮州府志張善潮陽人幼失父母鞠於繼母陳張善事之甚謹末樂中以儒士舉赴京上書詔命翰林院試其文得洪範九疇論以進上覽而奇之授檢討後秩滿考稱復任會病卒惜未竟其用云

郭玉

按房縣志玉恩縣人末樂中由進士來令房邑平易近民仕九載考績去

郭廉

按富潤縣志廉富潤人末樂間進士授監察御史正色立朝朝臣目爲小郭後乞休歸非公事不至城郭年九十八卒

郭欽

按獲嘉縣志欽字子敬獲城人年十七不知學以頒胙役於縣爲令所笞乃發憤杜門力學日夕不休中洪武壬午舉人登末樂甲申進士授行人擢御史出按部使濬河各有優績宣德初以建言忤旨改洵陽令遂致仕屢徵不復起

郭未忠

按荊州府志未忠福建人知興山縣甫下車觀山川之險峻悉士民之疾苦特疏還縣瀟山更曰興山移縣治於羅經山適中之地立庠序謹農桑厚風俗均田賦遂成禮義富庶之邦數百年咸沐澤焉

郭彥明

按袁州府志彥明號恕齋事繼母以孝聞鄰有不獲贈母醫妻者彥明與之貲全其夫婦越數年其夫婦登門謝併完原貲彥明曰有急不周忍人也敢呈報乎

郭瑾

按袁州府志瑾字邦器萬載人永樂甲辰進士歷官至刑科給事中直開後陞至刑部左侍郎一生持身端謹始終清節告歸蔬食布袍年八十三卒

郭原琳

按萬安縣志原琳字貢仲萬安人由太學生擢工部屯田主事蒞政勤敏卒於官

郭伯郁

按鄆縣志伯郁鄆縣人精通天文曆數末樂宣德間任欽天監春官正

郭極

按夏縣志極字仲樞夏縣人末樂中以五經儒士召至闕授五經博士固辭不受宣諭賜紅車遣還鄉里

郭齡

按夏縣志齡夏縣人末樂間舉人歷官重慶知府時柳陽洞蠻叛逆齡毅然請往諭以朝廷恩信慰率衆帖服畱之三載臨行餽金萬鎰却弗受時重慶三年不雨齡回至界即雨後陞參政致仕

郭確

按夏縣志確字磐石極之子齡之弟玉立魁梧以賢良薦稱疾不赴召嘗有鄉人登門侮詈者確戒家人不與競其人愧服其長厚類如此

郭休

按萬安縣志休萬安人由歲貢任德安同知時礦爲民害休力爲奏除民建祠祀之

郭蘇

按萬安縣志蘇萬安人字希武筆材敏異所著有秋山集又有秋山近草及竹素藏編後舉經明行修領檄不就自名懷葛山人

郭智

按萬姓統譜智字懋明登進士第任監察御史正統初陞都察院右僉都御史撫鎮陝西寧夏整飭邊務智儀幹魁偉議論剴直見者以爲得人

郭紀

按萬姓統譜紀字彥理大同人正統戊辰進士歷布政

郭興

按河南府志與弘農衛人嘗拾金六封歸明日原主並訪即歸之其人願分給與堅却不受後孫貞中弘治戊午鄉試與夫婦並壽九十

郭友諒

按東光縣志友諒東光人正統六年歲荒出粟千餘石賑濟饑民有司以聞特賜旌獎又修儒學邑治其他義施不能盡錄子七名濬者任庸施知縣曾孫興治中進士

郭成

按建武衛志成叙南衛人以總戎同劉顯協贊平蠻有功

郭璉

按彰德府志璉武安人正統初捐粟一千石賑荒詔旌其門

郭未清

按巴陵縣志未清巴陵人進士歷官工科給事中有逸才詩多雋語所著有黃源稿出使外國不屈而死

郭宗舜

按鳳翔府志宗舜岐山人正統初爲生員以擒盜功授巡檢值歲凶求言上十事極論時弊指斥權要英廟採行及土木之變入敵省候進衣物後論功陞後軍都督府都事

郭元

按陝西通志元邠州學生事親純謹母歿廬墓晝夜

悲號不輟制終有司以聞正統十二年旌其門

郭南

按上虞縣志南字世南以邑掾起家任常熟簿擢令百姓德之時推能吏虞山出軟栗甚肥美民摘以獻南食而甘之乃令悉伐其樹並絕其種曰後必有以是進奉而病吾民者其爲政大率如此

郭俊

按衡州府志俊景泰時由經歷陞臨武知縣時縣遭寇燬民庶失業俊專意撫綏民甚德之

郭迪

按廬陵縣志迪號仰泉廬陵人幼嗣其仲父後仲父病喘迪日夜號泣告天請以身代病遂瘳事母如事父從弟貧娶不及時迪罄囊授之室分田以贍之年八十卒子公衡亦講明理學力行不倦

郭敦

按鄆州志敦鄆州生員父泰歿敦廬墓自爲炊爨汲水一日基傍忽湧出清泉

郭瑾

按陝西通志瑾字良玉華州人景泰中舉人磁州知州施德有民至無訟徙守蓬州歲大饑院司牽制舊例瑾泣曰吾所有者天子之民也獨不能告天子耶遂聞上得賑蓬民賴焉以疾致政

郭縉

按夏縣志縉字廷圭夏縣人景泰中舉人歷官南康府知府時郡多虎害縉循省自責禱於城隍神廟翼日虎渡江死廟下

郭良

按東昌府志良字克忠館陶人景泰間進士授朝邑知縣鋤梗扶弱吏民悅服累官光祿寺少卿居家人行淳備鄉黨無間言

郭璽

按萬姓統譜璽字文瑞永年人天順間進士授翰林庶吉士尋爲工部主事時有宦官王順龍幸囑以私事璽叱之未幾轉兵部武庫司主事門無私謁遷武選員外郎以疾乞歸

郭秉

按兗州府志秉剡城人天順間歲貢任隰州同知父沒廬墓三年哀毀過禮時值雨雹之變草木摧折惟秉所居周回數里禾稼無傷事聞詔賜旌表之

郭本

按雲南通志本字道充融縣人天順間以監察御史左遷末平主簿剛直廉介後召還

郭進

按咸寧縣志進咸寧人天順間進士任山陽知縣有善政及民卒於官民祠祀之

郭憲

按德安府志憲字用章博學工詩文詞曲頃刻立就後歷官戶部員外郎

郭廉

按順德府志廉濟陽人進士天順間任鉅鹿知縣扶弱抑強人心悅服調發源百姓涕泣留之

郭質

按保定府志質高平人天順間知定興清廉剛明治洽遠邇修城有功

郭瑄

按新鄉縣志瑄新鄉人事親孝母病割股愈之天順初由歲貢任漢中經歷有平盜功值歲凶捐俸賑之祀名宦祠

郭登

按萬姓統譜登字元登臨淮人營國忠襄公之孫充勳衛進都督僉事守大同破敵封定襄伯天順元年奪爵謫戍甘肅成化元年復爵充團營總兵卒贈侯諡忠武世襲指揮使

郭昇

按萬姓統譜昇字騰霄舉進士任工部都水司主事成化丁亥奉命蒞徐州治水究心乃事至今漕運便之擢郎中尋陞陝西參議卒贈朝列大夫

郭忠

按萬姓統譜忠肥鄉人成化己丑進士筮仕戶部主事督收京儲遷員外督儲臨清進郎中擢守處州嚴關防判訟獄忠信明決人不致欺其家教甚嚴弟念舉鄉貢懋惠皆有文名子郭猶子郊俱登進士第郊亦鄉貢進士所著有詩文若干卷

郭紳

按萬姓統譜紳字廷章宜春人成化乙未進士授寧海知縣學士方孝孺縣人也事淹國禁紳至首刻方正學集泐祠祀之擢監察御史巡按雲南陞襄陽知府歷南京刑部右侍郎卒子叙正德丁丑進士授刑部主事歷陞雲南僉事貴州參議卒

郭鏗

按萬姓統譜鏗字子聲恩縣人成化丙戌進士歷都

御史

郭銓

按威縣志銓成化己丑進士任戶科給事中志高行潔性敏學勤卒於官

郭廷珪

按儀封縣志廷珪字國器儀封人成化丁未進士居母憂諸弟欲析產廷珪號泣從之盡讓產於弟服除授南戶部主事再補南刑部以荊州府知府告歸卒

郭緒

按開封府志緒字繼業太康人成化辛丑進士授戶部主事歷陞雲南布政司參議時雲南有蠻曰思六越金沙江界據地千里積二十年不受撫朝議命緒往撫之緒單騎從數人至南甸崖突不可騎乃斬荆徒步挽繩以登又至一大澤上霧下沙晦淖迷蹟而行愈力思六既見檄諭禍福明甚遂遣人來聽命且餽土物供具悉却之乃宣勅榜且與語先叙其勞次伸其冤然後責其叛罪思六聞之俯伏泣下請歸侵地歸省後陞四川督儲參政正德初致仕著有學吟稿撫蠻錄藏於家

郭利行

按萬安縣志利行萬安人濁酒坐於籬下仰月自喜語以仕進輒曰非養生之道祇以損性情也有南郭集文辭皆出衆表

郭廷欽

按萬安縣志廷欽萬安人嗜古不喜華艷有湖西散人集旨論過人

郭祥鵬

按眉州志祥鵬泰和人進士成化二十二年知眉州持廉秉公歲歉賑濟有方全活甚衆歷官叅政

郭仁民

按萬安縣志仁民萬安人喜吟味復善詞賦有律呂諸解爲山居別課

郭日和

按贛縣志日和字融齋贛縣富人成化二十一年秋八月日和自贛往瑞至樂邨遇一虎偕行觀者如堵雞犬不驚日和收之繫牌虎項下書郭宅義虎日則隨左右夜則侍臥榻日和年八十四卒葬萬安縣地虎送見窀穸咆哮擗地而死因亦葬於墓傍

郭文

按秦州志文字尚質秦州衛籍成化間進士授河南襄陵令持己清廉撫民若子遷四川廣安知州卒於官報擢河南道御史人咸惜之

郭邇

按陝西通志邇靜寧人成化間從總督項忠討石城賊戰輒當先智謀出衆生擒偽號招督王滿四授秦州衛鎮撫後從征屢有戰功歷陞都指揮僉事進授明威大將軍

郭義

按榆次縣志義字景陽榆次人成化間舉人歷官開州同知時流賊屠掠郡縣義率民兵激以忠義禦之賊解去城賴以完擢河南府通判

郭容

按渾源州志容字子仁渾源人成化間舉人少有志性孝友著聞卒業太學後授寧海州既視篆與廢舉

陞華弊釐奸州政一新上便民六十事部使者皆報可民賴以安後督餉雲中餉如期集羨金千兩悉還所司人皆服其廉云

郭維

按萬姓統譜維字仲端臨海人進士弘治初以監察御史任德安府剛明質樸清操凜然嚴東下官痛革吏弊鋤強濟弱辨枉雪冤教諸生務實學親為講解勸課農桑招撫流移賑貸民病給醫藥水旱躬為祈禱在郡六年乞休百姓詣闕奏留詔陞山東右叅政仍管府事

郭鳳

按保定府志鳳清苑人弘治時舉人筮仕判荊州清介為寮屬所憚陞萊州郡丞歲饑臺使達鳳賑濟鳳歷村墮計口授粟活者數萬監德州漕米羨三千金悉歸公裕權戶部郎假僧舍以居一僕一馬不私謁無燕會人呼為郭長老出守夔州府愛民課士學校興起致仕歸

郭明郁

按重慶府志明郁長壽人以鄉薦授學錄沈潛有識著有五經註北山文集

郭朝

按饒陽縣志朝饒陽人父母歿廬墓六年

郭講古

按饒陽縣志講古饒陽生員父歿廬墓三年

郭濬

按平山縣志濬平山人弘治庚戌進士歷吉水新城知縣砥礪清操累遷戶部郎中經理糧儲民頌公平

郭文忠

按高陵縣志文忠字質夫四川眉州人由隴西令謫高陵教諭慷慨樂易心無嫌疑每三日課諸生有不至者則涕泣自責後陞宜君令

郭桂

按咸寧縣志桂咸寧人弘治間進士授安丘知縣歷官平陽知府所至皆能釐奸剔弊治績稱最陞山西叅政卒

郭東山

按萊州府志東山掖人字魯瞻弘治間進士資聰敏早孤事母篤孝歷官御史以劾宦豎忤逆瑾下獄免官瑾敗起擢四川僉事屢以邊功陞四川右叅政致仕卒

郭增

按寧陽縣志增寧陽人親卒廬墓三年有白鶴旋繞之異人以為孝感所致邑令趙容遺以粟帛

郭鈞

按漢中府志鈞漢中人弘治中舉人任解州學政致仕正德初逆瑾聞其名而聘之鈞托疾不應後瑾誅凡應聘者皆坐累鈞不與焉

郭郁

按新鄉縣志郁字文勝新鄉人弘治時舉人任京山令訟直枉一訊立辨丁艱後補臨邑丞初臨邑人判武昌時楚藩縱卒橫肆郁忿縛其渠魁筆殺之楚藩稍敢

郭鵬

按萬姓統譜鵬字時舉宜春人弱冠中鄉試第一明年入監沈思日進益讀莊騷秦漢以上文祭酒崔統試之魁太學卒年二十九

郭秉聰

按萬姓統譜秉聰字子儀襄垣人正德辛未進士歷通政使

郭登庸

按萬姓統譜登庸字汝徵山西山陰人正德甲戌進士嘉靖中任湖廣提學副使性嚴明剛介人不敢干以私終僉都御史

郭允禮

按無極縣志允禮曲阜人正德中由舉人授知縣有才幹拆毀淫祠創建社學政績最異人咸服之

郭聰

按寧津縣志聰字上達正德年貢性敏好學動必循禮人皆以郭循禮呼之任金鄉訓導陞葭州學正兩署州事再陞成山衛教授卒

郭維藩

按儀封縣志維藩字价夫廷珪子正德辛未進士累官翰林侍讀學士進經筵每附經書意旨為啓沃開陳疏防民邪正士風辨賢才闢偽學罷還貢復吉士崇師儒廣言路八事上嘉納之後以不獻白兔頌免歸復起為太常少卿兼侍讀學士掌翰林院事卒

郭良

按舞陽縣志良正德丁巳貢授武清知縣政尚寬平民懷其惠

郭麟

按寶慶府志韓閩縣人舉人正德時任新化知縣扶弱抑強剏造石城爲邑永賴

郭民仰

按沅州志民仰父昂於正德間應貢廷試歿於途時民仰垂髫扶輦步行哀聲不絕養其母至八旬極盡愛敬其兄民望歿民仰殯以父禮

郭慶

按黃岡縣志慶字善甫黃岡人正德間舉人質直力學時王守仁倡道東南慶徒步從之三年始歸授清平令勤撫字割俸給貧民牛種後乞休歸

郭鉉

按明外史王信傳合肥郭鉉襲職都指揮僉事擢總漕運累進都督同知凡軍民利病多陳於朝召佐後府尋卒

郭叔興

按龍泉縣志叔興號瑞菴龍泉人正德六年御史王守仁率兵征勦統岡峒寇時缺餉叔興助數百石給軍需詔旌以義官給冠帶

郭靜別

按萬安縣志靜別字坤齋萬安人少孤事母能孝宗族稱之正德庚午閩粵寇破城邑衆皆奔靜別母暨且老不能行以竹輿載抵五堯口遇賊靜別乃裂裳負母叩賊乞免賊意母懷金也露刃脅母靜別泣以身代不從抱母罵賊賊怒殺之尸猶兩手抱母力解不釋時頸血上濺僵不仆地賊大驚異竟釋其母尸暴林莽陰雲浮蓋神色如生分巡戴某以禮葬之慮其母失養命有司歲給粟帛母由是壽至九十

郭賢誠

按萬安縣志賢誠萬安人弱冠廬墓孝行著聞人嘉之曰孝節處士

郭集成

按永豐縣志集成永豐人家層山與二弟玉成九成三人同居天性孝友至老煦然若嬰兒相依終身無片言相忤

郭高泰

按樂安縣志高泰樂安人正德辛未閩廣流寇破縣執父入營高泰同姪層助奔營救父賊放父回執高泰待贖無貲賊鬻之

郭層

按樂安縣志層樂安人正德辛未流寇執其祖振元去層與弟助同叔高泰衝入賊營救祖賊感其慈孝釋振元層與助待贖因無贖貲俱被害

郭端科

按贛縣志端科字平沙贛縣人家貧力學以親老不忍外遊督畊奉養言動必循矩度主宗族祀事四十餘年每值祀日禮畢昭穆坐定必曰某也孝某也悌某也勤學某也力耕命司簿分給胙例加厚有差既而曰某也拂親某也陵長某也棄荒於孀某也力健於訟立命司書計所犯多寡責罰有差不少貸且誠學弗售即力田毋爲胥役以壞人心由是族里化之不聞爭訟者數十年

郭克奇

按贛縣志克奇字拙吾贛縣人樂誦讀書施予精岐黃活人甚衆卒後遠近弔者以萬計所著有五經通

義

郭舜閔

按贛縣志舜閔字瑞寰贛縣人性真實言行不苟值兵寇能以智自全離亂時猶能周人之急久之不償輒焚券邑令擬旌扁聞而避之曰吾行吾意耳非以此沽名也

郭登

按華陰縣志登華陰庠生父沒時弱冠未娶哀慟廬墓汲水種樹三年甫娶數月會母逝亦廬墓大督學嘉獎之使食廩餼

郭萬

按壽陽縣志萬壽陽人正德間居父喪廬墓三年朝夕哀慕日食蔬素形骨僅存既除猶終身不食酒肉人咸以孝稱

郭綸

按博平縣志綸博平縣學生性至孝居常色養遇父母疾則所以身代父卒廬於墓側以時歸省母如是者三年母尋卒又廬於墓側正德辛未巨寇攻城綸依墓哀號不忍去寇遂引去事聞詔旌表之

郭鼎

按夏津縣志鼎夏津人正德辛未寇至攻城急知縣張翰欲乞兵於臨清兵憲趙某難其人鼎請往夜絕城西北隅賊獲之詰所從來鼎給之曰夜來知縣選壯士千人期二鼓襲大王營吾恐其送死也故先遁賊遂釋鼎鼎潛行之臨清告兵憲求援賊聞之解圍去鼎得援兵回具道其事翰歎曰智且義其人哉賞予之甚厚

郭天錫

按登州府志天錫福山人幼孤事母以孝聞知靜海縣節財愛民知徐州歲荒盜起天錫諭以禍福立解調蘭州陳州五任名區家徒壁立陞刑部郎從世宗幸承天以勞瘁卒

郭憫

按城武縣志憫城武人正德七年流寇掠郡邑憫李母劉氏守節爲賊所擄劉罵賊不已賊將刃之憫趨救賊怒欲重殺之憫孑身立見父意泣持賊刃曰願殺我勿殺我父由是三人皆死於賊

郭囊

按金鄉縣志囊字隱之金鄉生員有文名親身行孝夜被盜舍身脫父於急難母病疽親爲吮之立愈

郭君會

按仙遊縣志君會別號近渠爲翁源縣尉縣有巨寇擄險殺掠官兵爲之屢蹶乃單騎論降夷其穴而歸

郭詡

按名山藏藝妙記詡泰和人也自號清狂少從事學官弟子業稍試然忽置冊歎曰循咫尺之諷誦市榮當世何以務浩觀立極藝遂瑰璋之思著周流之跡乎遂去而體極其能於畫於是以畫名弘治中徵天下善畫者被推擇應詔京師寧王宸濠召與語輒辭謝之故露拙業托微罪行念都御史王守仁智權足解脫已往依之獻畫題詩以見志守仁悟與之符牒令他遊遂間道走武昌至則絕跡入德安宸濠反使人齎書幣約給以好語入見如逗梗縱殺之其人跡至武昌不得守仁歎曰鴻鵠橫絕非斯人耶

郭宗阜

按明外史郭宗阜傳宗阜字君弼福山人嘉靖八年進士選庶吉士尋罷刑部主事改御史出爲鳳門兵備副使轉陝西參政遷大理少卿二十年十月寇入廣昌順天巡撫朱方下獄擢宗阜右僉都御史代之進兵部右侍郎總督宣大山山西軍務俺答犯大同總兵官張達林椿皆戰死給事中唐瑄論之帝逮宗阜杖一百戌陝西靖肅衛隆慶改元起刑部右侍郎改兵部進南京右都御史改兵部尚書參贊機務以年老求去詔許之萬曆十六年卒贈太子太保諡康介

郭鑒

按萬姓統譜鑒字允重高平人嘉靖壬辰進士歷工部侍郎

郭鑒

按萬姓統譜鑒字允新高平人嘉靖乙未進士歷戶部侍郎弟鑒字允明同科進士歷光祿寺卿

郭民敬

按萬姓統譜民敬字子莊大同山陰人嘉靖丁未進士授行人任監察御史性爽直不肯詭隨志甘清苦布衣糲食人所不堪遭艱哀毀寢墓三年一日竟以受濕病殞身晉陽稱爲君子

郭崇嗣

按肥鄉縣志崇嗣號草塘嘉靖壬戌進士歷官湖廣陝西副使所在有聲陞參政卒於官所著有燕石稿行於世

郭嘉文

按重慶府志嘉文大足人嘉靖中鄉薦授監屋敘論

以身飭教遷知白河縣以德化民未幾告休著有警心百勿篇行於世

郭乾

按任丘縣志乾字一泉嘉靖戊戌進士授工部主事歷官兵部右侍郎兩奉勅總督三邊軍務恩威並著兵民相安晉兵部尚書加太子少保主議北邊工市不合引疾乞休

郭先生

按河間府志先生天津左衛人賣藥爲業博極經史江右有蔡生者流寓天津雅與郭善蔡病且死無子囊有四百金密屬郭郭義不受乃強之郭聞蔡妻有遺腹因受蔡金居五月而蔡婦舉一子比子五歲矣郭出金告以故而還之其封識宛然

郭朴

按彰德府志朴字質夫登嘉靖乙未進士選庶吉士授編修典修歷朝國史書成遷侍讀累官至吏部尚書舉錯皆當又進太子太保兼武英殿大學士以乞終養歸著有學約四思箴四畏箴九字圖管見卒贈太傅諡文簡

郭孔完

按新鄉縣志孔完字元城新鄉人郁之子嘉靖間舉人郁死於楚孔完扶柩歸廬於墓側三年母沒亦如之六年食粥枕塊人稱爲郭孝子後歷官至涿州守

郭五常

按西平縣志五常字大經進士授大理寺評事武宗南幸上書切諫罰跪門五日杖八十謫通政知事嘉靖初復原職恤刑陝西多所平反陞萊州知府後再

陞山西行太僕寺卿屢奏邊績召入覲卒

郭世榮

按汝州志世榮汝州人嘉靖間上京探親路得金一百二十兩悉還原主

郭千文

按德安府志千文字應宿昆明人嘉靖癸丑進士知孝感政尚寬和而秉衷介介不可犯所屬四境大要獲節義酌民利害約法不爽

郭嵩

按安陸府志嵩字叔仲嘉靖癸丑進士司理杭州多所平反擢兵科給事籌邊言事悉中機宜以忤時相左遷華亭丞轉安慶司理平反一如杭郡人德之

郭學書

按邵陽縣志學書字道伯鉞州人嘉靖間以兵部郎中出守邵陽政尚嚴肅而宅心仁恕立團約鄰社倉建八蜡廟修愛蓮亭崇祀先賢凡諸所行皆關國體切時務暇則至學校藝士類向風在郡三載介潔如一日陞陝西行太僕寺少卿

郭宏德

按衡州府志宏德江西萬安人嘉靖時任臨武知縣愛民體士初臨武有浮糧千餘石積為民害宏德條其利病聞於朝竟從輕減民甚便之在任五年陞安寧州知州

郭允楨

按通山縣志允楨號大泉通山人嘉靖間以舉人任盤縣知縣以委修邊牆有功調任江西廣昌知縣能力拒流寇抑強扶善卓有政績邑人感而祀之

郭聲

按常德府志聲未豐人任常德府教授操行清苦諸生束脩擇其富者受之至貧者又出己俸助其不及食惟蔬菜妻子不免凍餒亦不介意尤善為古文門下多所陶成以疾卒於官士人哀之

郭懋

按江夏縣志懋字子德素有大節嘉靖己酉舉孝廉除杞博士時流寇薄杞杞令懼欲棄城走懋為畫策民得安定擢舒令舒故無城而民善訟懋使有罪者來贖不數月谷灰山積而城以成值大計值分宜當國有同鄉黃門者指懋往謁其子世蕃懋乃曰鳥有為人臣而內交者乎以此側足媚人僕生平恥之矣後止遷趙州守

郭鵬領

按寧遠縣志鵬領嘉靖辛酉舉人任邵武令約己裕民丁艱歸補連城令連故苦浮賦履畝清丈各得其平陞建昌同知

郭蕙

按寧遠縣志蕙寧遠人自八九歲即知念母守志勤苦及長而有室猶為母親滌溺器家貧不能具甘旨或經商外歸母問此行何如蕙必歡聲應有恐煩挂慮也

郭麟

按建昌府志麟德化人嘉靖十九年任南豐訓導德性純粹學務自得嘗曰默坐澄心體認天理捐俸買學田以給士之貧者

郭德茂

按貴溪縣志德茂河南盧氏人嘉靖間任貴溪主簿時學宮書朽蠹德茂令以己所應得糧長例金於南都市書送學另貯一廚以便誦讀祭器殘缺捐貲置修一如制又修玉溪書院其種種善政不可勝道

郭希顏

按南昌府志希顏字仲愚嘉靖間進士選庶吉士授檢討擢右贊善疏引七廟四親之制頗稱旨嚴相嵩嫌其軋已遂陰捷之改中允後又以上疏安儲忤旨斬隆慶初贈光祿少卿予祭諡子

郭鵬

按萬安縣志鵬號小村萬安人嘉靖癸未進士後任慶雲知縣善政克著所著有小村集孝友雜錄數種為當世所重

郭鼎忠

按萬安縣志鼎忠萬安人鵬之子鵬居官清廉家貧不能為子求婚至二十四始婚鼎忠生平孝友未嘗以財利自私領嘉靖甲子鄉薦歷任潯州知府治績為諸道之最

郭汝霖

按永豐縣志汝霖字時望永豐人嘉靖癸丑進士授行人選吏科給事中上平倭十事又疏論邊防時務後奉使琉球國王饋囊蹄黃金不受還陞光祿少卿改順天府丞又上疏請發內帑寬徵徭以甦畿輔民陞大理少卿南太常卿乞休歸

郭魯

按永豐縣志魯字希敏永豐人魯之仲子為諸生攻苦嗜學一介不苟歲取館穀悉以奉母母病劇魯晝

夜額天求代母死廬墓躬運土石成墳歲餘有虎咆其側魯夢見童子環衛之虎不爲害撫院學使咸加旌獎

郭弘化

按明外史郭弘化傳弘化字子弼安福人嘉靖進士除江陵知縣徵授御史十一年彗星見弘化言廣東以採珠之故激民爲盜請停罷戶部尚書許讚等請聽弘化言帝怒責讚等附和黜弘化爲民久之卒於家穆宗立贈光祿少卿

郭育顯

按廬陵縣志育顯號筆峰廬陵人幼補弟子員受業於劉述亭之門癸卯貢於鄉廷試日或告之曰先謁選人邑令可得育顯正色曰此言何爲至於我哉未幾歸講學西原後季子如闇登賢書聞報昇歸育顯叱之曰屢而往與而歸能無愧於心乎季子跪而受教其庭訓之嚴如此

郭昇

按新建縣志昇字東旭新建人從王文成於虔受良知之學遭宸濠變羅兵燹文成給以逆產固辭直指沈某檄爲白鹿洞長後以明經陞至歸化教諭所著有大學中庸問答

郭郭

按涇陽縣志郭號蒙泉涇陽人嘉靖間舉人授國子監助教陞戶部主事遷員外轉郎中出爲馬湖府知府致仕卒門人私謚曰貞懿先生

郭儒

按祁縣志儒祁縣人嘉靖間舉人任淳化知縣居官

一塵不染謝政歸善迪後學所著有四書求正稿詩經集說近思續錄擇言帖學士咸宗之

郭拖

按文水縣志拖字子福文水人性至孝父廷詩篤於善卹貧賑困拖承其志侍側婉辭愉容親疾則夜不敢眠禱神求代親沒廬墓號泣其叔弟俱無嗣拖悉爲殯殮二子應鰥應泰孫鉉悉以文行著

郭紘

按平定州志紘平定人生而穎異四歲能識字稍長善屬文嘉靖間登進士凡郡中名山寺觀以得紘文爲重

郭鉉

按東昌府志鉉字汝器平山衛人嘉靖間舉山東鄉試第一仕太原府推官爲政務在疏濬冤滯所慮囚徒咸稱不枉累官順天府治中歸無負郭之田冬夏僅一裘一葛糜菜自給而已

郭學業

按日照縣志學業日照人嘉靖間庠生母喪廬墓三年自負土築墳哀毀過甚邁疾垂危思水不得彷彿見其母曰廬外有水強起稍掘即得甘泉自是泉所得水供飲食輒足亦無餘者及終三年歸泉遂涸人皆稱異邑令旌其門曰天賜甘泉

郭四維

按夏津縣志四維夏津人嘉靖間進士持身端方立朝剛正不阿權貴仕至密雲兵備所至皆有恩威陞三邊總制致仕

郭鑒

按曹縣志鑒字全卿曹縣人嘉靖間由歲貢任涿鹿衛經歷時工部奏修盧溝橋命鑒董其役竭力殫慮刻期告成邑有富人犯重獄遺金一畧求脫鑒厲色拒之後以忤時罷歸

郭朝賓

按兗州府志朝賓字尚甫汶上人嘉靖間進士授戶部主事歷官工部尚書爲人朴厚老成雅有器局斷決神敏而御下寬簡先任陝西副使後任工部時張居正柄國銳於興作議開加口膠萊二河朝賓心知其難不附其說兩集廷議以請旨皆得報罷所省鉅萬談者以持重稱之

郭東藩

按兗州府志東藩字鎮夫金鄉人嘉靖間進士歷官陝西按察使告歸肆力經史建義學歲餼輸粟千餘石全活萬衆事聞詔旌表之

郭琥

按明外史趙哥傳郭琥字宗器永昌衛人自總旗積首功至指揮僉事爲鎮番守備以署都指揮僉事充古北口參將就擢副總兵進署都督僉事爲延綏總兵官寇騎入坐失事戴罪隆慶改元寇復入遂降副總兵調大同尋復爲副鎮總兵官旋改山西旣代馬芳鎮大同以貢市功屢進右都督十一年以老乞休進左都督致仕久之卒琥潔廉好籌畫識軍進止目不知書而以意作檄頗中情事云

欽定古今圖書集成明倫彙編氏族典
第五百三十三卷目錄
郭姓部列傳六

明二

郭時斗	郭萬程	郭仁顯	郭應聘	郭大治	郭天祿	郭敬賢	郭能	郭脩翰	郭遵	郭慶元	郭堵	郭子直	郭思極	郭光煥	郭潤	郭鏞興	郭承恩	郭莊	郭汝宣	郭孜仁	郭鼎藩	郭石麟
郭孝	郭仁	郭遇卿	郭奇逢	郭尚謙	郭鎮	郭棐	郭都 宣府總兵	郭江	郭春渠	郭然	郭強	郭大綸	郭瑄	郭宗賢	郭佳鎮	郭都 教諭	郭汝	郭壽	郭敦	郭彥正	郭萬象	郭性之

郭文通	郭大德	郭實	郭興治	郭田	郭顯忠	郭達	郭正域	郭之幹	郭士望	郭一輪	郭聖典	郭成和	郭希湯	郭嘉瑞	郭振民	郭應響	郭應龍	郭尚賓	郭尚賢	郭鳳翽	郭增光	郭可久	郭綽	郭秉鑑	郭竹徵	郭建邦
郭良時	郭士吉	郭本	郭璣	郭重	郭銓	郭如星	郭之藩	郭喬竣	郭仲選	郭維岱	郭道濟	郭汝礪	郭廣	郭師古	郭冕	郭造卿	郭惟賢	郭師文	郭文	郭存謙	郭典言	郭維經	郭梅南	郭元達	郭紹儀	郭正中

郭九鼎	郭文燦	郭如嵩	郭鳴世	郭應第	郭鉞	郭纘化	郭大勤	郭都賢	郭震辰	郭尚堯	郭應衡	郭裕	郭伏羌	郭天吉	郭產桂	郭肯穫	郭封伯	郭顯星	郭鐵匠	郭未芳
郭凝鼎	郭鍾秀	郭允高	郭光斗	郭鋼	郭鍾	郭鎮	郭萬里	郭以重	郭金城	郭應銓	郭人舉	郭其昌	郭江	郭司南	郭宗昌	郭衛宸	郭煥	郭之奇	郭齊雲	

郭姓部紀事

郭姓部列傳六

明二

郭孝

按仁和縣志孝字可忠仁和人嘉靖己未進士任刑部主事時海瑞以直諫忤上意欲寘極典大司寇有依違意孝忿然曰禍在一時讓在百世遂署牘以進無何分宜獄起參論諸疏多出孝手中外以爲快歷員外郎中出爲湖廣僉事備兵惠潮嶺表盜賊充斥孝至大修戰具遣人諭以禍福遂大破之當事者忌其功以郊迎後時爲罪遂罷歸未幾起補河南再遷江西副使分巡饒南饒亦多盜孝至增置戰艦星布要津賊發即受捕江道遂清尋轉福建參政後陞貴州按察司致仕歸孝歷官三十年產不及中人

郭時斗

按金華府志時斗字文起蘭谿人任清遠知縣兼鹽務中貴及私牙不得售其好後左遷兩淮鹽幕會稅銀解期甚迫上司檄以屬時斗時斗列貧商良商頑商三等貧商獨其徵良商令自立限頑商則催拘嚴比商咸感愧輸將恐後擢漳州府推官多所平反粵西大盜窟宅韋公廩結連諸洞入寇時斗密募忠勇授以方略盡行破滅又有女官秦氏抗不奉命時斗出奇計生致之當時謂功不在王文成下後知高唐歲旱躬詣窮鄉酌口賑濟民賴以甦尋以病乞休百姓泣留不得後尸祝之

郭仁

按龍溪縣志仁字明倫龍溪人嘉靖間以貢任梧州

訓導屬各節正師道諸生咸敬憚之

郭萬程

按福清縣志萬程字子長福清人蚤孤家貧刻意力學歲荒嘗負米百里外母肺疾寒無被與妻盧抱母而溫以背通覽經書淹博鉤貫不以得失動心嘉靖乙未登進士上荒政鄉祠社學僧田均驛弭盜六議守選三歲授徒傳經除刑部郎翰訊明允有奏獄干權貴諸郎遂巡不敢治萬程疾作扶病往按其事竟輪服之後遂卒

郭遇卿

按福清縣志遇卿字建安萬程之子幼孤事母孝葬父貧不能舉躬負土成墳與弟造卿相友愛嘉靖末威繼光平倭寇遇卿從之薊門提兵擦崖立功白羊峪靖妖毘甯洞歷官至都指揮使後以母老歸生平所著有龍洞集五卷藏于家

郭仁顯

按大田縣志仁顯大田人喜施與樂教誨以孝友爲鄉人表嘉靖初年饑盜四起掠食鄉中惡少效尤者陰部署已定將行仁顯知其謀盡籍居人聯爲保伍法日聽其生業夜按籍而閱之出藏粟貸貧乏遂無一人得爲亂復推其法於他族地方賴以靖焉鄉人德之

郭奇逢

按大田縣志奇逢字際時大田人幼以孝聞稟資穎異過目成誦膺貢大廷除授江西饒州通判政尚仁恕士民德之丁父母憂哀毀骨立水漿不入口者數日終喪獨處一室不御酒肉凡六年祀事必齋戒謹

愍墓祭雖遠必躬與勿以衰老解云

郭應聘

按莆田縣志應聘字君實莆田人嘉靖庚戌進士歷官副都御史廣西巡撫時羅陽巨寇韋金彪等數出馴江上設計擒之又平江府峒獠及懷遠諸獠勦永福諸寇水戰陸戰握兵至七十餘萬下堅壘百十餘盡入版圖復條上懷永善後十事詔從之加兵部侍郎旋召入爲戶部侍郎以憂歸久之諸獠復熾詔以兵部侍郎再撫西粵至則諸獠各鳥獸散三年晉右都御史兼侍郎總制兩粵尋陞南京兵部尚書參贊機務致仕卒贈太子少保諡襄靖

郭尚謙

按泉州府志尚謙字鳴吾晉江人爲郡諸生嘉靖季倭亂尚謙謂兄尚友曰賊來必縱火兄護母避之吾將與父觀存亡矣因以麻經自繫梃刺賊駭而問之曰有父觀在如有他虞願以身代賊加刃其頸撫棺悲慟賊感傷舍去賊退乃葬父而昇母於郡城教授生徒供養人稱爲郭孝子

郭大治

按廣州府志大治字思道番禺人少警敏稱神童遊湛若水之門甚奇其才父被誣大治號哭泉庭三日父果大夫與語才大治遂出其父嘉靖辛卯舉于鄉論萍鄉迎父就祿日課程諸生周其妻警其情竟以不逢迎嚴相嵩七年不調父喪哀毀幾絕徒跣三千里扶柩歸葬祭一式古復除虞城轉浙新城令後以不阿上官遂拂衣歸

郭鎮

按保定府志鎮字子靜雄縣人嘉靖時舉人筮仕山東臨朐令邑蝗災鎮爲文禳之忽大鳥飛吞蝗吐於水者三日聞父病泣歸侍不及待封印而去人曰才吏孝子

郭天祿

按保定府志天祿定興人第進士令江西永新授御史按山西以親老徘徊月坐宿命遷沂州僉事至則設方略緝礦盜地方用事父艱毀滅性千里步歸復補山東驛傳副使執法不畏強禦致仕歸分俸贍宗人及鄉鄰貧者

郭棐

按廣州府志棐字篤周南海人幼師事湛若水與聞心性之旨嘉靖壬戌成進士授戶部主事尋改禮部會穆宗即位次日傳封七夫人御札出棐力諫事得寢後歷官光祿寺正卿致仕卒所著有粵大記嶺海名勝記廣東四川通志夢菊全集齊楚滇蜀諸稿士林宗之

郭敬賢

按潮州府志敬賢字桂溪海陽人嘉靖間進士授翰林院庶吉士以忤嚴分宜謫通州判官時論偉之尋陞工科給事抗疏極陳時政累官至禮科都給事

郭都

按明外史張達傳嘉靖三十一年寇入深井堡宣府副總兵官郭都戰三日斬獲甚多追至洶沙堡兵疲無援陷圍中身被數十創死諡忠壯都廣寧衛人起家世廩

郭能

按六合縣志嘉靖二十二年倭奴入寇能應募禦之死於陣

郭江

按明外史張達傳嘉靖三十四年固原總兵官郭江遇寇於暗門死

郭脩翰

按名山藏脩翰吉安永豐人其父僑寓興寧縣而生脩翰童子時母命爲市辭曰識字急於市讀易讀史手不釋卷市童衆咻之母老盲廢脩翰曰採給行傭吾不如江次翁遂窮通天文七政讀書賣卜于市得錢供母而星學名一時自知死期云我六旬有六六月六日無生理及時而病鄉士夫羅俶往問之脩翰曰而命先我猶相問耶羅以三日脩翰以六日

郭春渠

按萬安縣志春渠字以受萬安人少負鉅志家故貧弱冠理家雖室無儲粟而事親務盡其懽年三十妻死不復娶爲郡學生歲貢序次第二督學使者欲越次拔之固辭後仕連江教諭擢國子助教卒其文行皆爲世重

郭遵

按萬安縣志遵萬安人邑庠生曾出穀濟荒建橋利涉割田供祭所著有易經本義行世旨論曉人

郭然

按咸寧縣志然字用可以咸陽學中隆慶庚午舉人授寧鄉知縣剛直廉潔時寧鄉荒旱然百方救賑全活甚衆後歷陞沁州知州致仕

郭慶元

按陝西通志慶元淳化人幼孤賴嫡母齊撫養爲童子時事齊已能孝及長益篤生母劉既嫁迎歸亦善事奉

郭强

按登州府志强棲霞人未事詩書天性純孝母沒廬墓三年負土築墳偶得清泉流于其側服滿泉涸

郭塔

按曹州志塔字宣澤萬乾人隆慶戊辰進士歷官陝西副使兵備西寧番部種馬者官易以茶塔至預陳禍福揭之境上屆期番部肅然聽命

郭大綸

按太平府志大綸博興人隆慶間以進士任太平通判清廉多惠政歷署三邑民戴之若父母母相率詣云郭公若去天無眼黃犬重來地沒皮黃指郡守泮也

郭于直

按海寧縣志于直字舜舉海寧人隆慶辛未進士初任禮部主事以裁冗費忤中貴謫懷仁尉後累遷嶺南督學使者甄拔皆名士已攝篆南韶虔寇王子龍餘黨嘯聚朝議用兵于直力主撫全活以萬計功上受欽賞再遷閩憲副以病乞罷所著有三遊二京中林諸集行世卒年七十九

郭瑄

按崇寧縣志瑄任兵科給事中歷參政治行著聞孝友篤至父喪廬墓悲泣時稱其孝

郭思極

按魏縣志思極字致中隆慶戊辰進士授遂平知縣擢監察御史巡按遼東南直湖廣轉大理寺丞晉少

卿尋陞僉都御史巡撫應天丁艱回籍思極長才大器每有卓識

郭宗賢

按廣平府志宗賢字楨甫邯鄲舉人知文水縣輯城垣復除延津擢御史條陳四事兼名實嚴公私酌取舍審進退彈劾不避權要遷臨鞏兵備時有警以火礮攻之敵遁去改雲南水利道清屯駐軍民德之晉太僕寺少卿致仕

郭光煥

按開州志光煥天性至孝能包養閭里式慕有司旌其門

郭佳鎮

按廣平府志佳鎮字重明宗賢子進士知確山縣調壽光鋤強字弱恩威兼濟擢戶部主事司權河西務革除夙弊陞開原道調武德道催督漕運嚴飭海防官民稱便既請告歸

郭潤

按鷄澤縣志潤字瞻孔由鄉薦令沁源勸民爲善不忍用刑有不得已而用者往往流涕甫數月以疾辭官歸

郭都

按鷄澤縣志都字舜俞魯鈍質朴寡言笑動合規矩讀書雖盛暑必親燈火家貧竭力奉親事祖母韓氏以孝聞田園數畝悉以讓弟以明經訓滄州再訓確山遇諸生若子弟三年兩代確庖惟守印以俟後令不與錢穀詞訟至于大利大害輒毅然爲民請命遷延雲諭告休鰥居二十載自奉甚薄年八十九猶事

詩文楷草手不釋卷著有西田文集彞書行於世

郭鏞興

按遷安縣志鏞興右衛人進士授金華推官刑清民服修通濟橋拜御史按宣大遼東糾劾權貴有直聲轉山西副使節省糧耗軍民甚便督修邊牆以勞瘁卒于官囊無餘貲

郭汝

按任丘縣志汝號西圃山東濟南府人進士隆慶五年任任丘縣政能識體教必身先釐奸剔弊省費均徭擢御史

郭承恩

按黃州府志承恩字惺寰蘄州人性靜無他嗜務精經史及先天理數之學舉歲貢轉漢州什邡知縣冰藥自矢暇與諸生肄業鄰封多負笈至者告歸惟講學性理是務年八十九長嘯而逝

郭壽

按岳州府志壽字先五澧州人隆慶中舉人由建德令左遷臨清判甚有直聲後移判成都壽爲人沉靜端方蕭散物外著有栗園集

郭莊

按陝西通志莊字子莊徽州人隆慶戊辰進士授御史按吳吳貴人子弟多所關說莊曰吾安肯以私廢三尺一切以法治之又按蜀會多盜曰安可當吾在而使盜熾檄府道剿治遂息爲蜀府請旨得允王餽以金曰吾豈以金而爲王役卻弗受王益重之

郭敦

按順天府志敦興州前屯衛貢士任懷集知縣政教

播于苗蠻後告歸囊中惟圖書數卷而已

郭汝宣

按萬載縣志汝宣字贊明萬載人萬曆間歲貢邑人有晏三綱者無罪受誣汝宣代白于邑令得釋是有女願爲婚以報汝宣辭謝邑令聞之親爲執斧勸之再三始娶晏氏嘗書一聯云願留餘巧還造化多積陰功與兒孫生平隱德不可枚舉

郭彥正

按萬載縣志彥正字天福號敬齋萬載人事父母以孝聞居鄉和睦正直爲人敬服

郭孜仁

按萬載縣志孜仁別號洞山萬載人爲人曠達不羈當事交薦之授經歷不就年九十二卒

郭萬象

按萬載縣志萬象號鼎梅萬載人嘗傾貲五百餘金修學宮遇人有鬻妻子者出貲代贖雖多不惜

郭鼎藩

按涇陽縣志鼎藩字翰于萬曆間舉人授河縣教諭時流寇率數萬薄城下縣令懼鼎藩並勵義勇慨然以城守自任隻身入營以理諭之寇圍解邑賴以安陞應州知州卒所著有青箱別業洞庭記敵秋齋詩集

郭性之

按陝西通志性之字鹿坪華州人萬曆間進士仕至河南左布政使惇大寬仁用心精密民間疾苦無不周悉決疑獄遠近稱神籌兵餉士馬贍足致政歸所著有抱壘丈人稿